

शंकर रो अवतार रे,
दोहा शिव समान दाता नहीं,
विपत विदारन हार,
लजीया मारी राखजो,
शिव नंदी के असवार ।

शंकर रो अवतार रे,
महादेव रो अवतार,
महादेवजी केविजे भूमि रा,
पाटवी हो राज,
कैलाशो रे माय रे,
वनवासो रे माय,
महादेव ने पार्वता खेले,
होकते हो राज ॥

जीते जनो ने राज रे,
हारे जनो ने वेगा,
केवजो हो राज ॥

अरे नोके पेलोडो डाव रे,
महादेव जी जीत्याने,
पार्वता हारीया हो राज ॥

अरे नोके दुजोडो डाव रे,
महादेव जी जीत्याने,
पार्वता हारीया हो राज ॥

नोके तीजोडो डाव रे,
महादेव जी जीत्याने,
पार्वता हारीया हो राज ॥

अरे नोके चोथोडो डाव रे,
पार्वता जीत्याने,
महादेवजी हारीया हो राज ॥

अरे हाले नान्दीये भार रे,
हवले हवले महादेव जी,
हालीया हो राज ॥

अरे आकडी हेरी रे माय रे,
लिखमी घाटी रे माय,
देवी रो रथडो रे सामी,
आवियो हो राज ॥

अरे बाबा अलगो जाय रे,
जोगी अलगो जाय,
रे जई रे जई मार्ग में,
एकलो हो राज ॥

अरे गाले झोली में हाथ रे,
तीन पाता त्रिशूल,
काडीयो हो राज ॥

अरे लिनो हाथों रे माय रे,
काला भैरव रो मातो,
बाडीयो हो राज ॥

अरे नमीया सूरज बान रे,
चंद्रमा उतारे हरी री,
आरती ओ राज ॥

शंकर रो अवतार रे,
महादेव रो अवतार,
महादेवजी केविजे भूमि रा,
पाटवी हो राज,
कैलाशो रे माय रे,
वनवासो रे माय,
महादेव ने पार्वता खेले,
होकते हो राज ॥

गायक प्रकाश माली जी ।
प्रेषक मनीष सीरवी
9640557818

Source: <https://www.bharattemples.com/shankar-ro-avtar-re-mahadev-ro-avtar/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>